

AUTORSKE NOVINE

septembar/rujan 2014.

SADRŽAJ:

- **Isplata autorskih tantijema za drugu polovinu 2013**
- **Generalna skupština Evropske asocijacije kompozitora ECSA**
- **Nagrada AMUS-a na festivalu New wave Hadžići 2014**

Isplata autorskih tantijema za drugu polovinu 2013

Upravni odbor Udruženja je na sjednici održanoj 08.09.2014. donio odluku o isplati tantijema za drugu polovinu 2013.godine, te je uslijedila realizacija.

U pripremi ove isplate, obrađeni su podaci o izvedenim muzičkim djelima od preko 80 elektronskih medija koje su nam upućeni za izvještajni period. Tako je fond obrađenih informacija i kvantitativno i kvalitativno daleko prevazišao urađeno prošle godine, a zadatak postavljen od strane Upravnog odbora je ispunjen i još prekoračen za 40%. Za naredni period ostaje cilj da sve radio, TV i RTV stanice koje emituju muziku na prostoru BiH imaju ugovor sa AMUS-om, dostavljaju podatke o izvedenim djelima u formatima koje sistem automatsko obrađuje, te uplate puni iznos sredstava koji su po zakonu dužni uplatiti.

Važno je napomenuti da u ovoj isplati ne učestvuju javni RTV servisi (BHRT, FRTV i RTRS), jer privremeni djelomični ugovor potpisan tek ove godine, što znači za izvještajni period nisu imali ugovor, nisu dostavljali evidenciju izvedeni djela niti su uplatili sredstva za korištenje muzičkih djela u svojim programima.

Kako u izvještajnom periodu nisu dobijeni podaci o izvođenju muzike uz sliku (filmske muzike, muzike u reklamama, špica...) u obavezujućem CUE SHEET formatu, tako ih nije bilo moguće uvrstiti u obradu.

U obradi je, prema Uputama UO, primjenjen princip : jedno izvođenje pomnoženo sa koeficijentom određenim tako što se sumi novca prikupljenoj od tog elektronskog medija proporcionalno dodaju sredstva od kablovskih operatera i generalnih korisnika (ugostiteljstva). Taj se iznos podijeli sa brojem prijavljenih izvedenih djela na toj radio ili TV stanici. Tako se dobije vrijednost boda za jedno izvođenje na tom elektronskom mediju. Na web stranici www.amus.ba je lista emitera na osnovu čijih je podataka i uplaćenih sredstava načinjena ova isplata, sa novčanim vrijednostima pojedinačnog emitovanja djela na tom mediju.

Što se tiče finansijskih podataka, prema Odluci Upravnog odbora, nakon odbitka sredstava za rad Udruženja prema Godišnjem izvještaju usvojenom na Skupštini AMUS-a održanoj u aprilu ove godine, što uključuje i odvajanje 10% od neto prihoda za 2013. (146.691,30 KM) za Fond za kulturne i socijalne namjene, dobijemo ukupan iznos za raspodjelu autorskih tantijema: 588.351,57KM.

- 29.417,58KM (5%) je iznos odvojen u Fond rezerve za eventualne žalbe autora u vezi sa isplatom.

- 30.741,37 registrovani iznos za neprepoznata djela (5,5%).

Tako je neto ukupan neto iznos za raspodjelu 528.192,62KM. Sastoji se od 118.516,25KM sredstava naplaćenih od emitera i 409.676,37KM naplaćenih od ostalih korisnika.

Rok za žalbe je 60 dana i teče od 15.09.2014.

Eventualne žalbe možete uputiti emailom na strucnasluzba@amus.ba ili poštom na našu adresu : AMUS Stručna služba, Obala Kulina bana 22, Sarajevo.

Generalna skupština Evropske asocijacije kompozitora ECSA

Evropska asocijacija kompozitora će ove godine održati svoju Generalnu skupštinu kao i sastanke komiteta APCOE (popularna muzika) i ECF (ozbiljna i klasična muzika) u Skoplju od 28.9 do 01.10.2014. Zadovoljstvo nam je



naglasiti da je iz Brisela, gdje je sjedište ove asocijacije, stigao poziv za učešće AMUS-a u radu ove organizacije u svojstvu posmatrača. Na sjednici Upravnog odbora formirana je naša delegacija koju će činiti član UO Maya Sarr i Sekretar udruženja Samir Mujagić. Naši predstavnici će Generalnom sekretaru Lucie Mattera ovom prilikom uručiti i zvanični zahtjev AMUS-a za prijem u članstvo ove organizacije koja predstavlja 23.000 kompozitora iz 22 evropske zemlje. Misija ECSA-e je da štiti i promoviše prava muzičkih pisaca na evropskom i međunarodnom nivou pravnim sredstvima te da se zalaže za ravnopravne komercijalne uslove za autore sa krajnjim ciljem poboljšanja socijalnih i ekonomskih prilika za muzičke pisce u Evropi kroz, između ostalog, direktne kontakte u Evropskom parlamentu i međunarodnim institucijama.

Nagrada AMUS-a na festivalu New wave Hadžići 2014

U periodu od 28. do 30.8.2014. u Hadžićima je održan treći New wave festival u kojem je učestvovalo 6 mladih autorskih bendova iz regiona: Adnan Teskeredžić Trio, Strava Škola, Holographic Human Element, Grupa Republika, Futavci i Corbansick. U okviru podrške mladim autorima AMUS je prepoznao važnost ovog projekta te dodijelio nagradu AMUS-a u obliku statue kao i novčanu nagradu u iznosu od 1000,- KM pobjednicima ovog festivala, bendu Corbansick iz Sarajeva koju je uručio Predsjednik Upravnog odbora AMUS-a, Nedim Babović. U sklopu festivala je održan



i stručni skup o zaštiti autorskih prava kojem je prisustvovalo dvadesetak mladih autora iz BiH.





ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA

AUTORSKE NOVINE

BROJ 16 septembar/rujan 2014.

Obala kulina Bana 22, Sarajevo

Tel: +387 33 205 600